

ممالك عثمانیه ده سنه لکی (۶۵) آتی،
آیلنی (۳۵) غروشدور .
ممالك اجنبیه ده سنه لکی (۱۷)، آتی
آیلنی (۹) فرانقندر .

اداره خانہ

باب عالی جادہ سندھ دائرہ مخصوصہ

افطارات

آبونه بدلی پشیندر .

مسلكه موافق آثار مع الممنونيه قبول
اولنور. درج ايدلمين يازيلر اعاده
اولونماز .

افطارات

رساله مزدن آندین کوسترملک
شرطیله بتون یازیلر هر هانکی بر
غزته طرفندن اقتباس اولونه بیلیر .

مکتوبلرک ، امضالرک واضح و
اوقوناقلی اولسی و آتونه صره
نومروسنی محتوی بولونمسی لازمدر.

مما لك اجنبيه ايجون آبوننه اولانلرك
آدرسلىرىنىك فرانسز جهده ديازلىسى
رجا اولدور .

پارہ کو ندرلدیکی زمانہ یہ دائر
اولدیغنىك واضحاً بیلدی رلمسى رجا
اولنور .

البركة

1. 7. 2. 3. 4. 5. 6. 7.

دینی ، فلسفی ، علمی ، ادبی ہفتہ وار مجموعہ اسلامیہ در .

صاحب و مدیر مسئول

باش محرو

محمدا كفا

اشرف اویس

اتبعون اهدكم سبيل الرشاد

والله يهدي من يشاء الى صراط مستقيم

ایران عالم اسلام آره‌سندده برحائل می قاله‌جقدر ؟

ینه ایرانده منتشر «نوبهار» رفیقمز یازیور :
« آرتق بوندن صکره عالم اسلام آره‌سندده ایران کنندی موقعی محافظه ایتلیدر. ففاق وشقاقه میدان ویرمه‌ملیدر. علی‌العاده بردیوارکی حائل ومانه تشکیل ایتمه‌ملیدر. ایراتک وضعیت جغرافیه‌سی جدا افغانستان ، بلوچستان ، ممالک اسلامی‌سی آره‌سندده بردیوار کییدر . اگر ایران کنندی‌سی اسلامیت له‌نده قول‌الانیره ، موجودیتی اسلامیتک تعالی و ترقی‌سنه ، احیاسنه نشووناسنه حصر ایدرسه شبهه یوقدر که اشبو کشمکش عمومی نتیجه‌سندده عالم اسلامک یوزینی کولدیور . عکس تقدیرده بوندن صکره هر مسلمان ایرانه فنا برنظر نقرتله باقار . »

احوال عمومی‌یه برنظر

زمان کچدکه انسانلر یکی یکی تجربه‌لر ، حقیقتلر اوکره‌نیرلر . دهشتلی قوای بحریه‌لریله کنندیلرینی دکزلر آله‌سی قدر قوتلی ، کوچلی بیلن انکلیزلر ، بودقیقه‌ده آلمان تحت‌البحرلرینک صولت و قهرمانلقلرینه قارشو کنندیلرینی زبون وعاجز کوریورلر . آلمانیاک باشنه - ژاپونیا مستتا اولق اوزره - عدد واستعداد نقطه‌سندن اوج اعلایه واران اثتلاف مثک دولتلرینی بو قدر چاق مغلوب ایده‌جکنی کیمسه ظن وتخمین ایتز ، خاطره بیه کتیرمزدی . مازوریا بطاقلقلرینک شرقنده طقوز کونلک محاربه نتیجه‌سندده روسلرک بر - اونجی - اردوسنی محو وپیشان ایدن آلمانیا و آنک متفنن علمای عسکریه‌سی ، فن حرب ایچون جه‌انده یکی بر چیغیر آجدیلر . پروسیای شرقی مظفریتک امثالی هیچ بر تاریخ عسکری بو‌آنه قدر قید ایتمه‌مشدر . بو موفقیت روسلرک مغلوبیتی حقنده حالاً واستقبلاً هرکسه ایمان درجه‌سندده برقاعت کامله بخش ایتمشدر . روسلرک غیرمنتظم وپلانسر اوله‌رق - عظیم کتله‌لریله - حرب ایتمکده اولدقلرینه و بو یولده حرب ایتمه‌نک نتیجه‌سی ضیاع وخسران اوله‌جفنه کنندی متفقلری بیه قانعدرلر .

روسیه‌نک مغلوبیت متوالیه‌لری ، عنعنه حربیه‌لرینک قیمتی دوشوردکن بشقه اعتبار مالیه‌سی ده صفر درجه‌سنه ایندیرمشدر . بیک درلو تهدیدات وشاقلابانلقلره روسیه مالیه ناظری (بارق) انحق اون میلیون لیرا - اوده آلتون دکل ، انحق کاغذ پاره - کنندی متفقلرندن قوپاره بیلمشدر . بو پاره ایسه روسیه‌نک هیچ بردردینی تداوی ایتز . بوقدر آز برمبلخه روسیه هیچ برایش کوره‌مز . پاره‌دن زیاده روسیه سلاحه ، باروته ، آلات وادوات حربیه‌ده محتاجدر . روس قازاقلرینک انحق اونده برنده تفنک اولوب قصوری تفنک یرنده ال‌لرنده ادمانچیلره مخصوص اوزون دکشکلر واردر . قوای مادیه ومعنویه‌سی ، قیمت حربیه‌سی فوق‌العاده یرنده ومکمل اولان آلمان عسکرلرینه قارشو روسیه‌نک دکشکلی عسکرلری نه یابه‌یلیرلر ؟ حربک باشلانغچنده فرانسزلره انکلیزلر ، ایلک هفتقه ایچنده بر حمله ایلله روسیه‌نک (برلین) و (ویانه) یی اشغال ایده‌جکنه خولیا ایدرلرکن شیمدی متفقلرینک بوش بریچی اولدیغنه ایمان کتیرمشلردر . بونک

اردوسنک دوام اشغالی ایجاب ایده‌جک برشورش وقوع بولورسه انکلیز عسکرلرینک دها فضله بر مدت قاله‌جفتی ، انکلیز اردوسنک مصری تخلیه ایتسنی متعاقب مصرده برشورش وقوع بولدیغی تقدیرده آسایشی اعاده ایتک یالکز انکلیز اردوسنک حق اولدیغی عرض ایتدی .

حکومت بواتفاق قبول ایتدی و ۱۲ مایس ۱۸۸۷ ده صدراعظم امضا ایتدی ویالکز ذات شاهانه‌نک تصدیق قالدی . فرانسه بوتصدیقده اعتراض ایدرک روسیه ایلله برلکده بواتفاقک علیهنده قیامتی قوپاردیلر . فرانسه خارجیه ناظری موسیو فلورانس خارجده‌کی سفراسنه مذکور اتفاق موجبجه « مصرده انکلیز اشغال عسکرینک ابدیادوام ایده‌جکنی ، چونکه انکلیزلرک هر دایم شورشلر ایجاد ایده‌بیلله جککری و بوضورتله دولت علیه‌نک مصرده‌کی حاکمیتک محو اوله‌جفتی » متضمن بیاننامه‌لر کوندردی .

فرانسه وروسیه ذات شاهانه‌نی اقناع ایتکه موفق اولدیلر ، ذات شاهانه معاهده‌نی تصدیق ایتده‌دی . وسیر وولف لوندریه عودت ایتدی . بونی متعاقب مصر حقنده آنحق ۱۸۹۰ سنه‌سندده مذاکرات باشلادی ، که بومذا کرائده لورد سالسبوری اشغالک مدتی حقنده هیچ یرایضاحده بولونمادی .

مصرلی

عمر رضا

مَطَبُوءَات

ایران حالامی بیطرف طوره‌جق ؟

طرف طرف قبائل ایرانیه جه‌اد میدانلرینه شتابان اولیورکن حالا ایران قابینه‌سنگ بیطرفلقدن آریلامسی اوززینه ایرانده منتشر (رعد) رفیقمز بوجه‌آتی سرد شکایات ایدیور :

« ایران بی‌طرف قالسه وحربه اشتراک ایتسه بیه صلح زمانده روسلرک ینه تجاوزات ومداخلاتدن قورتله‌میه‌جقدر . روسیه ایرانی تخلیه ایدوب مملکتک استقلالنی طایمیه‌جقدر . بزم فنا فکری قومشولرمز - روسیه وانکلتزه - بزم ایچون کزیده نه براقدیلر ؟ هانکی حقمری ضایع ایتدیلر ؟ ملی حیثیت‌مه رعایت ایلدیلر ؟ مقامات مذهبی‌مزی محترم عد ایتدیلر ؟ علما ومجتهدلرمزی صرف حریت‌ورلک جریمه وحشیانه بر صورتده قتل ایدرک دیار عدمه کوندرمدیلر ؟ مملکت‌مزک بتون بیوک وکوچک ایشلرینه مداخله‌دن کری قالدیلر ؟ الی‌سنه‌دن بری ایرانی سرتاسر آتلیرینک نعلاریلله پامال ایتدکری حالده بو‌آنه قدر هانکی وعدلرینی ایفا ایلدیلر . کنندیلرینی دول معظمه وممل متهم‌ندن عد ایتدکری حالده هانکی سوزلرینی و وعدلرینی قوم‌دن فعله چیقاردیلر ؟ خیر .. خیر ... او حالده ایران رجال حکومتی فرصتی الدن بر اقاملیدرلر . زیرا بر دها بو قیمتی فرصتلر اله کیمز . ایران کنندی موجودیتی فعلاً محافظه ایده‌بیلمدیرکه آتیا صلح ماصه‌سی باشنده سوزینی اسماع ایده‌بیلسون . عکس تقدیرده ایران بومحاربه‌ده بی‌طرف قالسه بیه حق حیاته مالک اوله‌ماز . »

ایچوندرکه اولجه روسلرک آمالنه قارشو فرانسه منابعيله خزینهلری هر زمان آجیق ایکن ، شیمدی روسیه به بریاره و بره جک بر مؤسسه فرانسه ده قلامشدر .

روسیه عسکرلرینک احوال صهیله لری ده بوزوقدر . قوله را کی ساری خسته لقلر روسیه اردوسنده ، حتی پترسبورغده سیاه - انتشار و سرایت ایتمش و بر دشمن بی امان کی آنلری دوکوب قیرمهده در .

وارشو وایه طوغری دمیر خطوه لرله ایلروله یین آلمانلر ، پک یقینده اورای اله کچیردکن صوکره شرق استقامتی تعقیبایله آوستریا اردولریله برلشه جکلر و جنوبه طوغری اینه جکلر در . احتمالکه متفقلرله عثمانیلر روسیه نك قره دکز ساحلرنده برلشوب ، روسیه نك جنوبنده روسلر صوکره ضربه یی اوره جکلر در . بویه یانله سازا و فله رفقا سنك دوماده کی هذیانلرینه [استانبولک استیلا سنه] قارشو فعلی و محسوس بر جواب ویرمه جکلر در .

روسیه نك سیاستی ده قوای عسکریه سی قدر هر طرفه - خصوصیه بالقانلرده - افلاس ایتمشدر . صوفیه ده کی سوء قصد ، بلغار افکار عمومیه سی روسیه علیهنده چو برمش و آنلری فوق العاده بر عصیته دوچار ایلمشدر .

آوستریا حکومتنده شو صوکره زمانلرده وقوعبولان تبدلات سیاسییه مذکور حکومتله ایستالیا آره سنده منافع جدیه و حقیقیه اساسلری اوزرینه مبتنی یکی بر آکلاشمه وائتلاف حصوله کتیرمش اولدینی کی آلمانیا طرفندن بلغار حکومتنه ویریلان یوز الی ملیونلق آوانس ده بلغارلری کندی طرفلرینه جلب و جذب خدمت ایتمشدر . اوروبا محافل سیاسییه سی ایستالیا وبلغارستانی آلمانیا و متفقلریله متحد و متفق طایفه باشلامشدر .

آلمانیای آجقله تهدید ایدن انکلتره ، شیمدی عین حاله معروض قالمش و بیطرف دولترک بایراقلرینی سوء استعمال ایتمکله یکی خدعه و تزویراته تشبث ایتمک ایسته مشدر . فقط آلمانیا بحریه نظارتی انکلتره نك بودسیه لرینه قولاق آصمیه رق صیقی صورتده انکلتره آطه سی آلمان تحت البحرلریله محاصره به عزم ایتمش و حکومتی آمریکا نوطه سنه قارشو ویره جک جوابک زمیننی احضاره یازدم ایلمشدر .

انکلز لر ، فرانسه دارالخربنه قوای امدادیه بتشدیر مزدن اول آلمانلر اورالره یکیدن سکز قول اردو کوندرمش و تحت البحرلریله انکلز لرک فرانسه به عسکر چیقارملرینی منع ایده بیلیمشدر . فرانسلرله انکلز لر ، روسلردن فوق العاده مایوس اولدقلرندن کندی در دلرینه یانمده درلر . بوسنه نك ایلك بهاری کوزل ، معطر ، لطیف ، رایحه دار چیچکلر رینه قولاقلر مزنی طبقایه جق ، سامعه لر مزنی باطلا نه جق شیمدیکندن دهامدهش طوب و تفنک سسلرینی بزه ابصال ایده جکلر . بزه کانجه حد آثم حد آلم بوم متعدد ساحلرده دشمن یوردنده -

آرسلانلر کی وضعیت آله رق دین دشمنلرینی دوشوندرمه جک صورتده هجومه مهیا بولمقده یز . آذربایجانده ، سویش قانلنده ، قافقاسیه ده قیش انناسنده حرب ایدوب ایلروله یین قطعات عثمانیه ، شبهه یوقدرکه ایلك

بهارک حلولیه صولت و قهرمانلقلرینی ده زیاده دشمنلره طانتدیرمه چالیشه جکلر در . جهاد مقدسک اعلانندن برو بیکلرجه مجاهدین اسلامیه قوای عثمانیه به التحاق ایتمکلی حالده ، بهارک یناشمسبیله عددلری ملیونلره بالغ اوله جق وائتلاف کافرلرینی یوق ایده جک صورتده هجومه آماده اوله جکلر در .

ایران قایینه سنده حصوله کلن تبدلات ایسه بو مدعایزنی تأیید ایدیور . ایران افکار عمومیه سنه استناداً یکیدن تشکل ایدن (مستوفی الممالک) قایینه سی ، ایرانک حیثیت تاریخیه و اسلامیه سنه یاقیشه جق صورتده روضعت آله جغه هرکس مطمئندر . بوقایینه ایچنده روسلرک دشمن بی امانی اولان (مغیر السلطنه) نك بولمشی ، ایرانک روسلره قارشو ایلروده طاقنه جنی وضعیتی واضحاً کوستریور . بو ذات محترم آذربایجانده والی ایکن روسلر آتی سپه داره عزل ایتمه برنجیه فدر چالیشمشلردی .

آره یرده بی طرف بر ایران قالمقدن صوکره هندستانله افغانستانی انکلز لر علیهنده آفاقانلیرمق هیچدندر . انکلتره سویش قانلنده مغلوب اولوب حاکمیتلرینی غائب ایتمکدن صوکره ، هندستانده آتی اوله رق وقوع بوله جق اختلاللری اصلاً سوندرمه مز . خصوصیه ژاپونیا چین جمهوریت مشروطه سیله حرب و ضربه کیریشدکن صوکره هندستانک قیامی باصدیرمق خصوصنده انکلز لره هیچ بر یاردمی طوقونه ماز . طوقونسبیله ملیونلرجه هند مسلمانلریله بهادر افغانلیرک صولت اسلامیه لرینه قارشو هیچ بر موجودیت کوسترمیه جکلر .

مسموعات موثوقه مزه نظراً افغانستان امارتی شیمدیدن هندستان ایله تورکستان روسیه به هجوم ایتمک ایچون حاضر لایمقده و موسم شتاک ختامنه صبر سزقله انتظار ایلمکده در . افغانستان ، بر طرفدن بلوچستان و ایران جنوبی قبائلی ، دیگر طرفدن هندستان دیوارلرینی تضییق ایتمکدن صوکره هند مسلمانلری و وطن پرور بت پرستلری انکلز لری بردقیقه بیلله اوراده یشا آمازلر . هله نیل وادی مبارک نه عثمانی اردولرینک دخولندن صوکره انکلتره بتون آفریقاده کی مستملک لرینی غائب ایده جکنه ذره قدر شبهه ایدلمه ملیدر .

آفریقا مسلمانلریله اورالرده یشایان آلمانلر انکلز لرک حقندن قولایقله کله جکلر و اورای تطهیر کرکی کی موفق اوله جکلر در . جهاد مقدس خبرلرینک انتشاریه اسلام مجاهد اردولرینک قیلداتلرینه شو قیش موسمی حقیقه مانع تشکیل ایدیوردی . اویره بر حائل طبیعی که چاره سی صبر و تأملدن بشقه برشی یوغیدی . فقط بومانعه بهارک حلولیه اورتدن بر کره قالقارسه آرتق اوزمان ائتلاف کفره سی جهاد مقدسک نه قدر بویوک بر سلاح اولدینقی آکلایه جکلر و اهمیتنی بیه جکلری ضربه لرله لایقیه تقدیر ایده جکلر ، حتی عالم اسلامه قارشو بو آنه دکن ارتکاب ایتمکلی سوء معامله دن صوکره درجه نادم اوله جکلر در .

فقط « حب لا ینفع الندم » !!!

س . م . توفیق